

**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

Cap. VI. Probationes Autoritatis Secundi Ordinis in Synodo Diœcesanâ,
depromptæ ex Canonibus, Statutis, & aliis testimoniis, quæ ostendunt
olim duas Synodos quotannis habitas fuisse.

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

LEO IV. Synodum Diocesanam, Concilium Diocesis Episcopi vocaverat, decernendo, Parochos inex-
cubabiliter ad id Concilium convenire.

Ut exempla sunt, quæ nomen *Concilii Synodus Diocesanis Novem* primis Ecclesiæ Sacculis dant, non desunt quoque in *quarto-decimo & quinto-decimo Sacculis*; nam Concilium *Varensis* Anno millesimo trecentesimo sexagesimo octavo, imperat omnibus Episcopis Suffraganeis Provinciarum Narbonensis & Tolosana, & Aulitanis, quibus constabat, singulis annis Synodalia Concilia celebrare, per se ipsos, aut per alios ad id idoneos, si propter necessariam causam fuerint impediti. Quod hic Concilium vocat *Concilia Synodalia*; *Synodus* simpliciter, Capitibus *septimo*, *octavo* & *nono* vocat. Eadem expressio *Synodalium Conciliorum* adhibetur in Concilio *Basiliensi Sess. xv.* in Inscriptione Sessionis de *Conciliis Provincialibus & Synodalibus*, quod deinceps multoties explicatur in prima parte *Sessionis his verbis Synodos Episcopales*.

Synodus Fribingenensis, habita Anno millesimo quadringentesimo quadragesimo, nomen *Concilii* habet, in *Inscriptione*; attamen patet initio & fine, veram fuisse *Synodum*; nam enumeratione, quæ in illa fit in *Præfatione*, eorum qui interfuerunt, mentio fit dumtaxat Episcopi, primarum Dignitatum Capituli, & aliorum ejusdem Capituli, Abbatum, Archidiaconorum, Decanorum, & aliarum Dignitatum Ecclesiasticarum Sacularium Dicecensis, aliquorum beneficio Ecclesiastico præditorum; & sub finem, Episcopus id Concilium *Episcopalem Synodum* appellat. Nobis adhuc suppeditat exemplum magis recens nominis *Concilii*, dati *Synodo Diocesana*, *Concilium Colonense* Anno millesimo quingentesimo nono, Articulo de *Synodorum celebratione n. 2.* in quo decernitur, Capitulorum Decanos teneri ad *Synodum* convenire pro Capitulis, & Decanos Rurales pro Parochis: decernit, ut subsidia conferantur in sumptu, quos necessariò facere debent, pro numero dierum, quibus durabit Concilium.

Si ergo his testimoniis superius relatis, & aliis, quæ, ut superflua, omittuntur, constat, multis Canones & nonnulla Synodalia statuta, dedisse *Synodo Diocesana Concilii* nomen; aperte liquet, eam eo nomine donata, non solum quia *Conventus Ecclesiasticus* est, ut vera Concilia, in illo dirimebantur Controversiæ, rei judicabantur, sicut in veris Conciliis; sed etiam quia, qui adesse tenebantur, aliqua gaudebant autoritate, non secus ac illi, qui ad vera Concilia convenire tenebantur, aliquam exercebant autoritatem, aliter eam non habuisset convenientiam cum Provincialibus Conciliis, quæ ipsi Concilii nomen fuisse meritum.

CAPUT V.

Probationes authoritatis Secundi Ordinis in Synodo Diocesana, desumptæ ex eo, quod prærogativa Conciliorum, quæ consistit in Spiritu Sancti, aut Jesu-Christi auxilio, Diocesana Synodo tribuitur.

SEmper Creditum est Concilia, etiam Particularia, Spiritu Sancto dirigi; quia Christus expressis verbis promisit, quod si duo inter se consenserint super terram, de omni re, quamcumque petierint, fiet illis à Patre meo, qui in Calis cfr. 2. Quod quando duo aut tres congregati erunt in nomine suo futurus sit in medio eorum. Porro: creditum jure ac merito, auxilium promissum tam parvo hominum numero, etiam Laicorum, non denegandum esse multis Episcopis, congregatis de Ecclesiæ negotiis, quæ Christum habet Duxem. Hæc autem applicatio eo justior visa est, quod non solum Spiritus Sanctus super Apostolos in Christi nomine descendere

rit; sed quod Concilium Hierosolymitanum congregatum de observatione Legis Moysæ, adhibeat verba, quæ speciale Spiritus Sancti auxilium denotant: hæc sunt verba, *visum est Spiritui Sancto & nobis*. Si quis horum factorum probationes desideret, ad *Epitome recurrat Veteris juris Canonici*, Libro quinto *Titulo primo*. Non minus creditum est, duplex esse Spiritus Sancti auxilium, unum infallibile, quod solum Concilio Generali competit, quia solum est, quod propriè repræsentet Ecclesiam Universalem; alterum, quod veritati inquirendæ multum inservit, quamvis error obnoxium esse possit: hoc autem auxilium tributum omnibus Conciliis Particularibus, majus aut minus, secundum quod gaudent majori vel minori auctoritate. Hoc adhuc patet loco citato & *Titulo undecimo ejusdem quinti Libri*. Ut *Synodi Diocesanae Conventus* sunt facti in Jesu-Christi Nominе, de rebus Religionis, sicut Concilia, iis merito, Conciliis promissio facta, data fuit. Hujusc extensio in *Præfatione Statutorum Synodi Diocesanae Trevivensis* Anno millesimo quingentesimo quadragesimo octavo habita exemplum habemus. Verba *Synodi* sumus relatæ: *ut cuique pateat, nemini nos velle fucum facere, cum olim Christum in carne ambularem & verbum Dei seminarum se veritatem appellasse non ignoramus. Certe, persuadendum nobis erit per ipissimam veritatem illam, nos falli minime posse, cum ejus praesentia nos quotquot in hoc Cœtu Sacro ad Evangelisandum bona & exterminandum mala compererit, Spiritus sui chrismate illuminatura sit, ait namque, ubi duo vel tres in nomine meo congregati sunt in medio eorum sum. Præterea, voces, quæ versus finem *Synodi* leguntur, *Spiritu dei Duce & Spiritu Sancto cooperante*, ex eâdem fluunt origine. Hoc nixus principio, ut infra observabitur, Cardinalis OTTO, Episcopus Augustinus, sua *Synodo Diocesana* inditavit, habite anno millesimo quingentesimo quadragesimo octavo, paratum se esse ad obtemperandum Monitis Salutaribus Sanctæ hujus *Synodi* in Spiritu Sancto congregatae, si quid in eo deprehenderetur reprehensione dignum.*

Quod si *Synodus Diocesana* fulcitur Spiritus Sancti auxilio, Christi meritis qui interest, vis credi potest, hæc omnia commoda uni inservire preparacioni, qua idonei redderentur Congregati ad recipiendas Instrunctiones, quæ Episcopo placent, cum & Instrunctiones & Decreta fieri possent absque Congregatione, quæ & magnas impensas & alia multa incommoda secum importat.

CAPUT VI.

Probationes authoritatis Secundi Ordinis in Synodo Diocesana, de prompta ex Canonibus Statutis & aliis Testimoniis, que ostendunt olim duas Synodos quot-annis habitas fuisse.

Inter Canones, qui spectant Conciliorum Provincialium Celebrationem, multi sunt, qui ea bis per annum cogenda esse pronuntiant, ut *Canon quintus Nicænus*, *Canon vigesimus Antiochenus*, *Canon decimus Nonus Calcedonensis*: Hæc autem Concilia unicè habebantur, ut Controversiæ finis imponeretur in Provincia ortis, &, ut aliis necessitatibus consuleretur.

Quantum conjiceret licet, hujusc Disciplinæ imitationi de Conciliis Provincialibus, in multis Diocesibus decretum, duas *Synodos* quot-annis Diocesanæ habendas esse; & credi potest, eas ob easdem rationes habitas fuisse: unde inferri potest Secundum Ordinem, qui solus cum Episcopo *Synodo* aderat, in ea aliquam exercuisse autoritatem. Hæc observationes confirmabuntur *testimonii*, quæ de his duabus *Synodis* loquentur.

Nihil

Nihil hac de re antiquius est, quād quod superius relatum est de Synodo *Altissiodorensi*, habita circa finem *sexti* Sæculi. In ea jām observatum est, duas Synodos quotannis habendas esse: unam nempē medio Maio; alteram, initio Novembri. Verum quidem, hunc Canonem de solis Synodis Dioecesanis particularibus mentionem facere, non de Dioecesana Synodo, de qua hic agitur: sed non minus constat, duas esse Synodos Dioecesanas, quibus aderat Episcopus, & qua separatis habebant diversis temporibus, in gratiam cuiuslibet Ordinis hominum convocatorum & congregatorum, in qualibet Synodo, cum & opportunitus & convenientius Parochis solis Negotiis vacare, qua functiones Rectorias spectabant, & Abbatibus, iis invigilare, qua statum Religiosum spectabant; credenti locus est, has duas Synodos convocandas fuisse sine Generali Synodi detimento.

BOCELLUS agens de Synodo Dioecesana, *Libro quinto Decretorum Ecclesia Gallicanae, Titulo decimo nono, Capite quadragesimo primo*, Canonem laudat desumptum ē *Capitularibus*, in quo decernitur, bis per singulos annos, Synodos fieri. Verū videtur *Canone quarto Concilii Veneroniensis*, habiti Anno septingentesimo quinquagesimo quinto, ex quo deponit hic Canon, hīc de Concilis Nationalibus agi; cum ibi decernatur, primum congregari debere, ubi voluerit Rex & eo præfente, & secundum, vel Suescionibus, aut alibi, uti in primo convergent Episcopi. Porro: inauditum prorsus est, à Rege aliquid unquam factum fuisse de convocatione Synodi Dioecesanae, ad determinandum locum, & ut ipse adsit. Semper penes Episcopum fuit determinatio diei, & loci, in quo congreganda erat Synodus. Secundū *Canon de Synodo Episcoporum* loquitur: statuit locum proximā Synodi ab Episcopis determinari ubi prima convocatio sit. Secunda est ejusdem naturae ac prima; Episcopi enim congregati minime attendunt ad locum communem Synodo proximā Dioecesanae.

Nou idem ferendum est judicium de Canone modo referendo, quod latum est de Canone modō explanato, cum certissimè loquatur de Synodo Dioecesana, quā præcipue Parochis constat: hoc autem videtur nono Capite *Capitularis Tolosani*, in quo duas tantum habendas esse Sacerdotales Synodos decernitur; quod supponit usum duarum Synodorum, eō magis, quōd hujusce Capitularis scopus sit sublevare Parochos ab Episcopo oppressos. Idem dicendum de Canone sequenti, quamvis duos Conventus assignando singulis annis, *Concilii* nomen iiii tribuat. Hic Canon est *Caput nonagesimum primum Collectionis HERARDI*, Archiepiscopi Turonensis, datum in Synodo Anno octogentesimo quinquagesimo septimo, decimo septimo Kalendarum Junii, vel aliter, decimo sexto die Maii. In eo statuitur, duo celebranda esse, per annum, *Concilia*, neminemque posse in unoquoque plus quā quindecim diebus remorari. Discriminis ratio, quod intercedit hos inter duos Canones, repeti debet ex eo, quōd ultimus *Canonum* conditus, aut saltem fuerit promulgatus in Synodo Dioecesana, Synodo verò non competit Canones condere de veris Conciliis, cum determinatione temporis, per quod duratura sunt, cum utrumque spectet hīc Concilia; nec magis expediret promulgatio ut necessaria Parochis, & *Herardus* generatim loquendo de *Canonibus*, quos coram ipsis legi jussit in sua Synodo, eos, ut maximè necessarios, appellat.

Ad id jungendum, nullibi legi verorum Concilio rum durationi limites circumscriptos fuisse; multa vero sunt testimonia Synodo Dioecesana fines positos fuisse. Denique, *Otto*, Episcopus Vercellensis, has observations confirmat: tribuendo enim *Concilii* non men Synodo Dioecesanae, eas bis per annum celebrandas esse fatetur, & tamen eas ad unam redigit, propter calamitates publicas, quād bis eas celebrari non sinunt.

Tom. I.

Occasione eorum quā de *Yvone Carnutensi* referuntur, de usū sua Ecclesiæ, in qua celebrabatur Synodus septimo Calendarum Novembri, aut potius, die vigesimo sexto Octobris, *Souchet*, hujus Ecclesiæ Profesor Theologus observat, etiam aetate hujus Episcopi, duas Synodos celebrari, quamvis Octavum Concilium abrogasset *Canones*, qui duo Concilia per singulos annos convocanda esse decrenebant. Hæc leguntur in sua *Observatione de Epistola sexagesima prima*, in qua post citatos aliquos ex his *Canonibus*, & *Distinctionem decimam Octavam*, quā præcipios continet. Sic loquitur, in *Ecclesia Carnutensi servatus est mos bis in anno Synodos celebrandi, Martis, Mercurii & Jovis diebus intrâ Octavam Pentecostes, ab Archidiaconis & Capitulo Carnutensi, & Mercurii, post Festum S. Lucae Evangeliste. Unde hanc Epistolam 1099. scriptam colligo, quod eodem anno septimus Calend. Octobris (legendum Novembri) in diem Mercurii inciderit, cum Littera Dominicalis illius anni fuerit B. Nisi certus fuisset ille Theologus Professor, usum congregandi duas Synodos jām vigere in Dioecesi Carnutensi tempore *Yonis* Epistole citata, inde Epocham non petuisset.*

Necessarium non erit ad tales probations recurrere, ad ostendendum tempore *Eudis de Sulli*, Episcopi creati Parisiensis, Anno undecimo nonagesimo sexto, hacce in Dioecesi, duas celebrari Synodos initio suorum Statutorum: clare id exprimit duobus his verbis, qui determinant dies, quibus Synodi celebrandas erant, nempē, Jovem proximiorem Festi S. Lucae, & tertium Jovem post Pascha. Versus refero, ut id clarius pateat:

Fit Jovis in Luce Synodus, quæ proxima Lucae Lux Jovis, hanc replicat tertia, Pascha sequens.

De his duobus Synodis adhuc sermo habetur *Capite secundo, n. 4.* in quo tenentur Parochi ad Synodum post Pascha convenire albâ & stolâ induiti, & Synodo Septembri interessere superliceo & stola induti.

Usus duarum Synodorum congregandarum, per annum, in Dioecesi Parisiensi, probatur Concilio Parisiensi, habito à *Roberto de Corcon*, Cardinali Legato Sanctæ Sedis. *Capite enim decimo septimo quartæ partis*, jubet saltem per annum Synodum celebrari in singulis Episcopatibus. Hac voce utitur, saltem, ut indicet gratum sibi fore, si duæ Synodi celebrarentur: verū, id fieri, corruptionem non sinere. Id autem ex *Præfatione* ejusdem Concilii Anno millesimo ducentesimo duodecimo sequitur.

Synodus *Nemana*, Anno millesimo ducentesimo octogesimo quarto, duas Synodos per annum, hac in Dioecesi, celebrari certos nos facit; unam Paschali tempore; alteram, circè Festum Sancti Lucae. Initio *ultimi Capitis*, præcipit Parochis ad utramque convenire, ultima interest, cum Cappis Rotundis, & primæ cum superliceo. Synodi habitæ tempore *Guillelmi Andegavensis* Anno 1261, usque ad annum 1314. docent, duas Synodos celebrari per annum; unam, Festo Sancti Lucae; alteram, Festo Pentecostes.

Videtur ultimo articulo eorum, quæ decreta sunt Concilio *Coppenhagen*, Principe Danie (Danemark) Urbe, statutum antiquitatem fuisse hoc in Regno, duas Synodos per annum Dioecesanæ celebrari. Hoc autem Concilium celebratum est anno 1425.

Paulò post, Concilium *Basileense*, celebratum 1433. *SESS. xv.* supponit aliquas esse Provincias, in quibus yigebat usus celebrandi duas Synodos per annum, nam præcipit, saltem semel per annum, unam Synodum celebrari, exceptis locis, in quibus usus erat duas celebrari.

Collectio Conciliorum *Nicoseos*, quæ complectitur omnia Concilia habita in hac Provincia, in Tertio-decimo, & Quarto-decimo sæculis, & in Quinquaginta quinque primis annis sæculi Decimi-quinti, suppeditat testimonium clarum duarum Synodorum annuarum

hac in regione usitatarum. Hujusc^e collectionis **primus** Canon præcipit omnibus Presbyteris, Diaconis, & Subdiaconis Latinis in Nicofensi Civitate, vel Dioecesi, commorantibus, ad Synodum accedere, qua celebrabitur die Veneris post Octavam Epiphaniae, & die Mercurii post Pentecostes Octavam.

Antequam ad alias probations progrediatur, observare necesse est, Statuta esse Tertiæ-decimi seculi variarum Diœcefum, quorum inscriptio locum dat credendi, his in Diœcefibus duas celebrari, per annum, Synodos; quedam enim advertuntur, qua habite dicuntur Hyemali Synodo; quod supponit aliam estate haberet.

De Synodo Hyemali sermo adhuc habetur in Inscriptione. Statutorum **GUDY** Episcopi Santonensis **CÖNCILIÖR. TÖM. XI. Part. II. pag. 1425.**

Idem dicendum de iis, qua dicuntur facta, aut promulgata, in Synodo Paschali; hoc enim credendi locum dat, aliam alio tempore celebrari. Statuta quoque reperiuntur, qua dicuntur facta, aut promulgata, in Synodo Sancti Luca. Hic usus non deficit seculo Decimo-quinto; cum multa extensum testimonia hunc usum vixisse Decimo-sesto seculo. Hæc autem testimonia vel Germaniam spectant, & leguntur in primo & secundo Conciliis Colonensis; vel Galliam, & leguntur in Conciliis Rothomagensi, Rhemensi & Aquensi.

Primum Concilium **Colonense**, celebratum anno 1536. parte decima quarta, numero decimo septimo, & decimo octavo, supponit usum Duarum Synodorum per annum, huic rei applicando veteres Canones bina Concilia quotannis celebrari præcipientes: unde intelligendi locum dat, has Synodos subrogatas fuisse Conciliis Provincialibus, qua antiqui Canones celebrari præceperant: unam, scilicet, Quadragesimali tempore, ut ad Pascha celebrandum præparent fine discordiarum, qua huic Festo dignè celebrando obstabant; alteram, Autumnali tempore, ad dirimendas quasvis controversias vocum majori numero. Usus hujus hanc assert rationem celebrationis Synodorum magnas impensas vitari generationum singularium Parochiarum inspectionum, seu visitationum.

Secundum Concilium **Colonense**, Anno 1549. mentem clarius aperit de hoc usu, postquam enim dicit, Synodos in Ecclesia esse ad instar in corpore humano nervorum, adjungit, bis per annum celebrandam esse Synodum secundum antiquum Motum, excepta Diœcesi Leodiensi, in qua una duntaxat, propter ejus Latitudinem, celebrabitur. Verba Concilii laudare juvat, ut, que fuerit ipsius mens, quisque judicet. *Neglectis enim Synodis non aliter Ecclesiasticus Ordo diffinit, quam si corpus humanum solvatur nervis, idcirco statuimus, ut Synodus Diœcesana quotannis bis pro veteri quidem more. Sed juxta reformationis regulam, religiosius, & meliori cum fructu celebretur; sufficiet tamen in Diœcesi Leodiensi propter ejus Latitudinem, & multitudinem Prælatorum, semel quotannis recte & studio ferventi celebrare.*

Concilium Rothomagense 1581. Titulo de **Episcopo** numero trigesimo primo, postquam præcepit duarum Synodorum Celebrationem, permituit Episcopi judicio aliam remittere ad sublevandum Clerum, si id expedire judicaverit, dummodo alia diligenter convocetur. En verba Concilii; *Synodi Diœcesana quotannis suis temporibus celebrentur. Liceat tamen Episcopis; ad levamen sui Cleri, si ita expedire videbitur, de Duabus in anno unam remittere, & alteram diligenter convocare.*

Illud autem Concilium primum est Gallæ, quod, de reductione duarum Synodorum ad unam, loquitur, eamque ad Cleri levamen permittit. **Secundum** Concilium **Colonense**, jam unam ex duabus his Synodis remiserat; verum, illa reductio solam Diœcesim Leodiensem spectabat, eamque permisera, prop-

ter ejus Latitudinem, & multitudinem Prælatorum convocandorum. Hæc reductio absolute erat; Concilii vero **Rothomagensis**, conditionalis, ita, ut Episcoporum arbitrio relinqueretur. Alia Concilia Gallæ, qua de eadem reductione mentionem fecerunt, nullam apponunt conditionem, & absolute præcipiunt. Concilium **Rhemensis**, Anno 1583. Titulo 27. de **Synodo Diœcesana**. Numero primo, his verbis loquitur: *Synodi Diœcesana singulis annis semel duntaxat ad Cleri levamen tempore commodiori celebrentur. Quod Spectat Concilium **Aquense**, celebratum anno 1585. quamvis ex Concilio Rothomagensi deumpserit quod dicit de duarum Synodorum reductione ad unam, tamen modo absoluto loquitur.*

Post tot Canones & alia testimonia, qua invictè probant, in magno Ecclesiarum numero & plerique facilius à Iesu Christo ad nos usque, duas per annum Diœcesanas Synodos convocari debuisse, nullus dubitandi locus est, quin maximè necessariae visæ fuerint; præcipue, si attendatur, primo majorem partem eorum, qui ad eam convocabantur, animalium Curam habere, Abbates, Archidiaconus, Archipresbyteros, Decanos rurales vel Parochos; secundo, eosdem stricte teneri residere; Tertiò, has Synodos per plures dies continuari, ut infrā demonstrabitur. Quartò, præter commorationis tempus plures sapè requiri dies ad eundum & redeundum. Quintò, nullas unquam causas justas admissas fuisse, qua à residentiâ dispensarent, præter eas, qua ex urgente necessitate, aut evidente Ecclesiae utilitate nascebantur. Sextò, inter Parochos, ex quibus maxima pars Synodorum constabat, multos fuisse, qui Vicarios non habebant, & ex quorum absentia malum oriri poterat,

Ex his circumstantiis similius sequitur, eos, qui tulére hos Canones, & alias Leges, de quibus mentionem fecimus, credidisse, magna fuisse necessitatis Diœcesanas Synodos, aut saltem evidentis utilitatis. His ergo in occasionibus, minimè agebatur de dandis præcisè aliquibus consiliis, & de legendis aliquibus Decretis, quod fieri potuisset facile absque Synodo, & absque à residentiâ dispensatione; ergo consequens est, Secundum Ordinem aliquam exercuisse, in Synodis Diœcesanis, autoritate.

CAPUT VII.

Authoritatis Secundi Ordinis, in Diœcesana Synodo, Probationes, desumptae ex Testimoniis, qua significant eos, qui tenebantur convenire ad Synodum Diœcesanam per Procuratorem, quando legitimè impediebantur, interesse debere.

Nullus est, qui ignoret, Episcopos legitimè revertentes teneri ad Concilium Provinciale mittere suo loco aliquem virum conspicuum, non ad excusationes simpliciter ferendas, id enim Literis facile fieri poterat, sed ad jus exercendum, quod ipsi, si adfuerint, exercuerint. His de causis, coacti sunt Parochi, & alii legitime impediti; aliquem Clericum ad Synodum Diœcesanam mittere, ut vices absens gereret; &, ut vulgo Episcoporum Procurator mittebatur vocem daturus, idem dici debet de Parochis. Hac in opinione, necessarium duximus Statuta aliqua colligere, qua de hujus Deputationis necessitate agant; præsertim ea, qua dotibus, quas exigunt, in eo, qui eligitar, ad Procuratoris vices obeundas, talem conjecturam probant. Præcipua testimonia depromuntur ex Canonibus Conciliorum tum **Vavrensis** tum **Mechlinensis**, Gallicè **Lavaur**, & **Malines**.

Nihil adhuc antiquius inventum est de Deputatione, de qua agitur, quam quod legitur numero **Sexto secundi capitis Constitutionum Eudis de SULLY**, Episcopi Parisiensis, anno 1196. Post quam præcepit omnes